


MyRA Star Rating

**Nur Amirah Nabihah Zainal Abidin, Nur Hakimah Md Sallehuddin
& Fatin Aliyah Hassan**


Akademi Pengajian Bahasa, UiTM Kampus Seremban

Program Taklimat MyRA Star Rating anjuran Unit Industry, Community & Alumni Network (ICAN) UiTM Cawangan Negeri Sembilan Kampus Seremban telah diadakan pada 2 Mac 2022 (Rabu) dengan jayanya. Penerangan taklimat bagi MyRA Star Rating ini telah disampaikan oleh Dr Syazreen Niza Shair, selaku Ketua Bahagian Data Penyelidikan RMC, UiTM. Taklimat tersebut telah berjalan selama dua jam dan mendapat sambutan yang menggalakkan daripada para pensyarah yang terlibat. Program ini juga dihadiri oleh Ketua Pusat Pengajian (KPP), koordinator serta pensyarah-pensyarah di UiTMCNS dari seluruh cawangan Negeri Sembilan; Kuala Pilah, Seremban dan Rembau melalui aplikasi dalam talian (Cisco Webex).



Program MyRA Star Rating ini merupakan satu inisiatif pihak PJIM&A UiTMCNS Kampus Seremban dalam usaha memberi pendedahan serta meningkatkan pengetahuan mengenai kriteria-kriteria MyRA Star Rating yang perlu dipenuhi semasa menjalankan program-program jabatan, unit, khususnya program-program khidmat masyarakat di UiTMCNS agar sejajar dengan keperluan Key Performance Index (KPI) yang perlu dicapai.

Selain itu, penganjuran program ini juga diharap dapat membantu KPP dan Koordinator di UiTMCNS dalam merancang program-program jabatan yang bersesuaian serta memenuhi kriteria MyRA Star Rating sepertimana yang telah diperkenalkan oleh Kementerian Pengajian Tinggi (KPT). Di samping itu juga, program ini turut menyumbang kepada gerak kerja yang selaras, sistematik dan teratur berpandukan tatacara dan kriteria yang telah diterangkan sepanjang taklimat berlangsung. Justeru, dalam masa yang sama program ini telah membantu UiTMCNS khususnya dalam melancarkan proses pelaksanaan program yang dirancang oleh jabatan-jabatan dan unit-unit agar sentiasa kekal berkualiti serta memenuhi kriteria-kriteria yang ditetapkan.



Secara keseluruhannya, program ini dilihat telah berjaya mencapai objektif dalam memberi pendedahan serta kefahaman yang mendalam kepada para pensyarah tentang kriteria-kriteria MyRA Star Rating yang diperlukan dalam membangunkan sesebuah program. Akhir sekali, pelaksanaan program pada masa akan datang akan juga akan lebih berkualiti dengan adanya panduan mengenai kriteria-kriteria yang perlu ada dan dipenuhi.